

息烽縣志卷四

建置志

城池

縣原有城為明思宗崇禎元年總督張鶴鳴行參將牟文綬所建題奉明旨命名息烽鶴鳴旋致仕代以朱燮元燮元閱視息烽城以規制稍狹行參將牟文綬展拓功未竣文綬奉調入衛復行部劄遊擊袁桂芳同守備牟海奇修築報竣高一丈八尺周七里三分當時以水西初平凡事草創公署營汛民居市廛不可備聞朱明祚盡闖獻滔惡吳三桂詔導滿韃洪承疇醜顏事仇中華板蕩人生靡寧獻孽孫可望由蜀蔓黔禍極西南於時息烽人民之所遭受從可知亂久烽

息烽縣志

卷之四

建置志

城池

息代易制更清聖祖康熙二十六年經雲貴總督范承勳奏准改衛設縣於是息烽屬修文而編里甲經百數十年之休養生息人樂俗和顧乃定久變生穆宗同治間都勻楊元保桐梓楊鳳先後蜂亂何得勝潘名杰乘之全黔騷動息烽為墟城荒榛滿路絕行李者幾二十年亂定時署修文縣知縣余渭兼任督辦中路巡防招徠人民縮築舊城由南而北不及一里由東而西僅得其半形勢狹長南北為正街東西各為小巷住戶四百有餘城周不過二里南門題曰烽煙永靖北門題曰息息相關為貴州布政使黎培敬書董修士紳則黎永年清朝既覆民國崛起其在三年析置縣治縣雖移自貴筑而地則分由修文治城之名仍循其舊經巡按使呈大

總統無異議至十五年貴州省長倡築馬路黔北之線自貴陽達松坎經繞縣城城南北郊戶口益增二十五年貴州省政府建設廳計劃清修黔北公路各段沿線息烽縣長毛鉞即呈請將繞城之路改由穿城撤去南北城門功竣之後行旅愈暢市肆愈繁將來縣治戶口之激增不在意外

九莊城在縣治西七十里亦明崇禎三年肇建今暫分為第七區治境其地於元代為青山遠地長官司所治明洪武四年正月貴州底定仍置青山長官司時制長官司隸於貴州宣慰司據毘盧寺明萬曆古鐘鑄有貴州宣慰司安國亭徵九莊糧賦建寺於九龍岡之證則九莊之設官久矣道光貴陽府志據明史朱燮元傳崇禎三年水西遣使求降燮元與

息烽縣志

卷之四

建置志

城池

二

約四事其二削水外六目地歸之朝廷燮元又上疏曰水西自河以外悉入版圖沿河要害請築城三十六所近控蠻獠遠聯滇蜀皆立邸舍繕郵亭建倉廩又按其年設置濯靈修文詰戎三所

詰戎即縣治之虎場也

旋改置息烽于襄二所九莊即于

襄所城之築當於是時貴陽府志城郭圖記九莊城明于襄所城也崇禎時建城倚半山傾斜而下南高北低清康熙二十六年裁所併縣所署基址迄今莫考城垣傾頽僅存東門一西門二其北門城門基址清光緒季年為居民拆去城牆其由東門至西門城垣遺址尚在惟以無官兵鎮攝土匪或擾時起驚惶經商人稟請乃移大定協黔西營黃沙汛外委於九莊故有外委署基三間自咸同亂定後已為鄉人佔去